

2018

Árbók Kennslumiðstöðvar Háskóla Íslands

KENNSLUMIÐSTÖÐ HÍ | Aragötu 9, 101 Reykjavík
s. 525 4447, kemst@hi.is, www.kemst.hi.is

Efnisyfirlit

1. Mannauður.....	2
2. Vefur Kennslumiðstöðvar.....	2
Samfélagsmiðlar.....	2
3. Diplómanám í kennslufræði háskóla.....	3
4. Námskrá Kennslumiðstöðvar 2018.....	4
5. Námsumsjónarkerfi.....	8
Kennsluvefur Uglu.....	8
Moodle.....	8
6. Upptökur.....	9
Upptökuver og –klefar.....	9
7. Leiðbeiningar.....	9
8. Samstarf.....	9
Samstarf við fræðasvið Háskóla Íslands.....	9
Samstarf um kennsluþróun á háskólastigi á Íslandi.....	9
Reiknistofnun Háskóla Íslands.....	10
Þverfagleg samvinna á Heilbrigðisvísindasviði.....	10
edX.....	10
Starfsmannasvið.....	11
Jafnréttisnefnd Háskóla Íslands.....	11
Háskólinn í Nuuk á Grænlandi.....	12
Miðstöð framhaldsnáms.....	12
Háskólinn í Bergen.....	12
9. Þróunarverkefni.....	13
Kennsluþróunarstjórar á fræðasviðum.....	13
10. Ráðstefnur.....	13
ISSOTL.....	13
Menntakvika.....	14
11. Sjálfsmat Háskóla Íslands, QEF2.....	15
12. Nefndir og ráð.....	15

1. Mannauður

Kennslumiðstöð hefur nú fyrir nokkru slitið barnsskónum, en árið 2018 var 17. starfsárið hennar. Miklar breytingar hafa orðið á starfsemi miðstöðvarinnar á þessum tíma og umfangið aukist.

Starfsgildi við Kennslumiðstöð eru 9,6, en ekki öll setin þetta árið. Starfsmenn í fullu starfi eru: Anna Kristín Halldórsdóttir verkefnastjóri, Elva Björg Einarsdóttir verkefnastjóri, Grettir Sigurjónsson tæknistjóri, Gústav K. Gústavsson tæknimaður, Nanna H. Grettisdóttir verkefnastjóri, Sigurbjörg Jóhannesdóttir kennslufræðingur háskólakennslu og Rúnar Sigurðsson verkefnastjóri. Guðrún Geirsdóttir dósent á Menntavísindasviði og deildarstjóri Kennslumiðstöðvar er í 70% stöðu við Kennslumiðstöð, Kristbjörg Olsen í 60% stöðuhlutfalli og Ásta Bryndís Schram í 30% stöðu við miðstöðina.


Kennslumiðstöð flutti til baka á Aragötuna í byrjun árs 2018 eftir gagngerar endurbætur á húsnæðinu.

2. Vefur Kennslumiðstöðvar

Umbylting á vef Kennslumiðstöðvar hefur staðið yfir síðan í maí og mun ný útgáfa af vefnum líta dagsins ljós á vordögum 2019. Farið var í greiningu á því hvernig uppsetning á vef myndi endurspegla starfsemi miðstöðvarinnar sem best og því verður þó nokkur breyting á henni á nýjum vef.

Vefurinn er bæði á íslensku og ensku og er gagnaveita og upplýsingavefur fyrir kennara Háskóla Íslands, auk þess sem kappkostað er að koma þar á framfæri efni er lýsir góðum starfsháttum auk leiðbeiningum ýmisskonar.

Vinnustofur á vegum Kennslumiðstöðvar eru kynntar á vefnum og þar er jafnframt skráningarkerfi sem heldur utan um gagnagrunn yfir þá sem sótt hafa námskeið hjá miðstöðinni. Starfsmenn skólans geta sótt í gagnagrunninn t.d. við framtal starfa ár hvert eða við umsókn um ótímabundna ráðningu og framgang.



Á myndinni má sjá hvaðan heimsóknir á vef Kennslumiðstöðvar eru. Helstu notendur eru kennarar og kennsluþróunarfólk á landinu öllu.


Samfélagsmiðlar

Kennslumiðstöð Háskóla Íslands hefur verið á *Facebook* síðan 2014 og á *Twitter*, *Pinterest* og *Instagram* síðan 2015. Miðstöðin telur mikilvægt að vera sýnileg á þennan hátt, deila góðum starfsháttum og segja fréttir af starfsemi sinni. Kennslumiðstöð deilir hér einnig möguleikum á því hvernig hægt er að nota samfélagsmiðla í kennslu og kennsluþróun.

3. Diplómanám í kennslufræði háskóla


Námsleið um háskólakennslu var stofnuð á Menntavísindasviði Háskóla Íslands árið 2010 í samstarfi við Kennslumiðstöð Háskóla Íslands. Námsleiðin er ætluð starfandi háskólakennurum. Fastráðnir kennarar við Háskóla Íslands fá 40 kennslustunda kennsluafslátt að loknu fyrsta námskeiðinu og styrk til að greiða skrásetningargjöld. Í námsleiðinni eru fjögur námskeið frá og með vormisseri 2018:

- KEN212F Inngangur að kennslufræði á háskólastigi, 10 e, haust
- KEN005F Skipulag og endurskoðun námskeiða, 5 e, vor
- KEN006F Námsmat og endurgjöf, 5 e, vor
- KEN004F Kennsluþróun og starfendarannsóknir, 10 e, heilsárs



Fjöldi þeirra sem lokið hafa 10 eininga inngangsnámskeiði í kennslufræði háskóla eftir árum. Árið 2010 var námskeiðið kennt bæði haust og vor

Um þriðjungur þeirra sem ljúka inngangsnámskeiðinu í kennslufræði háskóla ljúka náminu með diplómu. Þannig hafa 126 háskólakennarar lokið fyrsta námskeiðinu en 53, 30 eininga diplómunni. Þátttakendur koma af öllum fræðasviðum háskólans (FVS (4), HUG (10), HVS (7), MVS (7) og VON (13) auk þess sem aðrir háskólar í landinu eiga þar fulltrúa. Í síðasta námskeiðinu, sem er heils árs námskeið, gera þátttakendur rannsókn í háskólakennslufræðum sem þeir birta og kynna á almennum vettvangi innanlands og erlendis.



Fjöldi þeirra sem lokið hafa 30 e diplómu í kennslufræði háskóla eftir fræðasviðum HÍ

4. Námskrá Kennslumiðstöðvar 2018

Kennslumiðstöð heldur árlega fjölda kynninga og vinnustofa um viðfangsefni til að styðja við kennsluþróun. Viðfangsefni vinnustofanna eru ýmist valin með hliðsjón af ábendingum kennara og deilda, í samræmi við kennslustefnu háskólans og/eða samkvæmt óformlegri þarfagreiningu Kennslumiðstöðvar. Námskeiðin eru flest skipulögð út frá þörfum kennara en þó hafa einnig verið haldin sérstök námskeið og vinnustofur fyrir stjórnendur og fyrir nemendur sem sinna aðstoðarkennslu. Þá hafa starfsmenn Kennslumiðstöðvar komið að námskeiðum með Starfsmannasviði og Miðstöð framhaldsnáms. Vinnustofurnar eru frá því að vera klukkustundar langar kynningar upp í 6 tíma vinnustofur eða lengri sem skiptast þá á fleiri daga, oftast er þó um tveggja til þriggja tíma vinnustofur að ræða. Vinnustofur eru auglýstar á vef Kennslumiðstöðvar, í Uglu og með tilkynningum í Uglu til starfsfólks Háskóla Íslands. Einstaka vinnustofur eru einnig auglýstar á meðal starfsfólks annarra háskóla í landinu en þær eru þeim að öllu jöfnu opnar.

Það er orðin hefð að í síðasta kennslukaffi fyrir jóla, svokölluðu „jólakennslukaffi“, flytji sá kennari sem hlotið hefur viðurkenningu Háskóla Íslands fyrir lofsvert framlag til kennslu það árið, erindi um kennsluhætti sína. Á þessu var engin undantekning í ár og Terry Gunnell, prófessor við Félagsfræði-, mannfræði- og þjóðfræðideild á Félagsvísindasviði, hélt erindi þar sem hann fór yfir langan og farsælan kennsluferil sinn við Háskóla Íslands og erlendis.

Fastir liðir í námskrá Kennslumiðstöðvar eru kynningardagur fyrir nýja kennara, kennslukaffi og ýmsar vinnustofur sem hafa fest sig í sessi, s.s. vinnustofa um tengsl hæfniviðmiða og námsmats, vinnustofa um kennsluáætlanir og vinnustofur og vefnámskeið í upplýsingatækni og námsumsjónarkerfunum Moodle og Uglu. Almennar vinnustofur og kynningar árið 2018 eru:

Aðstoðarkennarar	Moodle-próf og verkefni
Áskoranatengt nám	Námskrárgerð
Fjölbreytt námsmat og endurgjöf	Nemendamiðuð kennslusýn
Gerð MOOC/edX	Prófagerð
Hópvinna	Samfélagsmiðaþ nám og kennsla
Hvað gerir þú til að stuðla að jafnrétti í kennslu?	Tengsl hæfniviðmiða, kennslu og námsmats
Kennsluáætlanir og gerð þeirra	Veflæg verkfæri í námi og kennslu
Kennslukaffi	Vendikennsla
Kennsluþróun í háskólum	Vinnuálag og vellíðan í námskeiðum
Kynning fyrir umsjónarmenn	Vinnustofa vegna ótímabundinnar ráðninga við
Kynningardagur fyrir nýja kennara	HÍ – kennsluhluti
Leiðbeining í lokaverkefnum	Viðurkenning í kennslu
Moodle-ritverkefni	ETP-kerfi háskólans í Bergen
Moodle – hvað er nýtt	Virkir kennsluhætti
Moodle-einkunnabók	Ugla – kynning
Moodle-námskeið – grunnur	Öndvegissetrið BioCEED við Háskólann í Bergen

Þátttakendur sem sækja viðburði í Kennslumiðstöð skrá sig á námskeið og geta fengið yfirlit yfir hvaða námskeið þeir hafa sótt til að telja fram í framtali starfa ár hvert. Um 50 kennarar nýttu sér þessa þjónustu Kennslumiðstöðvar árið 2018. Auk vinnustofanna hefur Kennslumiðstöð komið að stuðningi með sérfræðiaðstoð inni á fræðasviðum og í deildum, s.s. aðstoð við námskrárgerð, námsmat, endurgjöf, nemendamiðaða kennsluhætti og hæfniviðmið svo fátt eitt sé nefnt. Þá eru dyr miðstöðvarinnar ætíð opnar fyrir einstaka kennara að líta við í ráðgjöf og samræður um kennslu og kennslutengd efni og ekki er verra ef þeir taka með sér vin. Kennarar hafa verið nokkuð duglegir við að nýta sér þessa persónulegu þjónustu Kennslumiðstöðvar.

5. Námsumsjónarkerfi

Kennsluvefur Uglu

Eitt af undirkerfum Uglu er kennsluvefurinn. Í honum eignast hvert og eitt námskeið Háskólans sinn eigin vef þar sem kennari getur sent nemendum tilkynningar, deilt efni, stofnað verkefni sem nemendur skila í gegnum vefinn, skráð einkunnir o.fl. Starfsfólk Kennslumiðstöðvar aðstoðar kennara við notkun á kennsluvef Uglu og heldur úti leiðbeiningum um hann. Leiðbeiningarnar er að finna á vef Kennslumiðstöðvar (<https://kennslumidstod.hi.is/ugla/>).

Moodle

Moodle er svokallað lms-kerfi eða learning management system oft kallað námsumsjónarkerfi eða kennsluakerfi á íslensku. Kennari getur stofnað Moodle kennsluvef fyrir námskeið sitt í Uglu. Tengill á Moodle-vef námskeiðsins verður þá til á kennsluvef námskeiðsins í Uglu og á forsiðu nemenda/kennara.

Moodle kennsluvefur býður upp á fjölbreytt úrval verkfæra m.a. margs konar leiðir til endurgjafar, verkefnaskil, próf, umræður, hópaskiptingar, öflugt einkunnabókhalð, vefsíður, skráarsöfn, uppsetningu kannana, viðmiðunarkvarða til einkunnagjafar, viðveruskráningu, tengingu við Turnitin, aðgangsstýringar á öllu efni og ýmislegt fleira. Kennsluvefur í Moodle býr yfir sveigjanleika í uppsetningu og skipulagi. Á Moodle kennsluvef er einnig hægt að setja upp svæði þar sem nemendur deila efni og vinna saman.

Moodle er tengt við notendagagnagrunn Uglu þannig að nemendur og kennarar fá sjálfkrafa aðgang að Moodle. Kerfin eru einnig tengd saman með *single sign on* sem þýðir að notandi skráir sig inn í bæði kerfin samtímis.

Starfsfólk Kennslumiðstöðvar aðstoðar kennara með Moodle símleiðis og í gegnum tölvupóst (moodle@hi.is) auk þess sem kennarar geta pantað tíma og fengið aðstoð t.d. við uppsetningu og skipulag kennsluvefs. Kennslumiðstöð stendur fyrir örnámskeiðum, vinnustofum og vefmálstofum um kerfið og einstök verkfæri þess. Fræðasvið og deildir eða hópar kennara, geta einnig óskað eftir slíkum námskeiðum sérstaklega.

Leiðbeiningar um Moodle er að finna á moodle.hi.is en nýjar og uppfærðar leiðbeiningar eru í smíðum hjá Kennslumiðstöð og verða settar upp á opnum vef. *Verkfærin í Moodle* er kennsluvefur með uppsettum sýnishornum af ýmsum verkfærum. Þar getur kennari brugðið sér í hlutverk nemanda, tekið próf, skilað inn verkefnum og ýmislegt fleira. Vefurinn er á moodle.hi.is undir Moodle-hjálpi. Tilbúið sniðmát fyrir kennsluáætlun er einnig aðgengilegt á sama stað.

Moodle-teymi er starfandi við skólann en í því sitja fulltrúar Menntavísindasviðs, Hugvísindasviðs og Endurmenntunar Háskóla Íslands, auk starfsfólks Kennslumiðstöðvar. Teymið skipa Áslaug Björk Eggertsdóttir verkefnastjóri á Menntavísindasviði, Bernharð Antoníussen verkefnastjóri á Hugvísindasviði, Bryndís Jónsdóttir verkefnastjóri á Verkfræði- og náttúruvísindasviði, Gústav K. Gústavsson tæknimaður hjá Kennslumiðstöð, Hulda Mjöll Hauksdóttir verkefnastjóri hjá Endurmenntun HÍ, Kristbjörg Olsen og Rúnar Sigurðsson verkefnastjórar hjá Kennslumiðstöð. Moodle-teymið er mikilvægt í þróun Moodle innan skólans og þjónustu við fræðasvið í þeim efnum.

Á vormisseri 2018 voru virkir notendur í Moodle um 6.900 og kennsluvefir háskólaársins 2017-18 eru 548. Moodle og Uglu eru kynnt hjá Kennslumiðstöð á kynningardegi fyrir nýja kennara við upphaf haust- og vormisseris.

6. Upptökur

Panopto-upptökukerfið býður upp á marga möguleika, en það að taka upp, streyma beint og setja inn á námskeið í Uglu eða Moodle eru þær aðgerðir sem mestu máli skipta fyrir kennara og starfsmenn háskólans. Panopto er þrískipt kerfi. Í fyrsta lagi er upptökuhlutinn sem er á öllum tölvum í kennslustofum og kennarar geta fengið á sína eigin tölvu, síðan er það tenging við Uglu og Moodle sem er í raun bara aðgangsstýring og loks vefhlutinn sem allir sem hafa rétt til að taka upp fá aðgang að.

Umsjónarmenn húsa sjá um grunnþjónustu við Panopto í sínum húsum, s.s. að koma á upptökum og tæknimenn sjá um frekari þjónustu, t.d. ef upptökur glatast. Upptökukerfið er notað í Háskóla Íslands, Endurmenntunarstofnun Háskóla Íslands, Háskólanum á Hólum og Landbúnaðarháskóla Íslands.

Upptökuver og –klefar

Hljóðklefi í Kennslumiðstöð á Aragötu sannaði gildi sitt á árinu, en var stór hluti tekin tveggja edX-námskeiða sem skólinn vann að 2018 tekinn upp. Rúnar Sigurðsson og Anna Kristín Halldórsdóttir sjá um aðstoð í hljóðklefanum. Að auki er Háskóli Íslands með upptökuver í Stakkahlíð, í Odda og nýtt upptökuver var opnað á Neshaga 16 á 1. hæð í janúar 2016. Umsjónarmaður upptökvers í Stakkahlíð er Gústav K. Gústavsson tæknimaður. Nanna H. G. Grettisdóttir og Grettir Sigurjónsson sjá um upptökuberfið í Odda og á Neshaga.

7. Leiðbeiningar

Starfsfólk Kennslumiðstöðvar veitir aðstoð með upptökuforritið Panopto. Leiðbeiningar um Panopto er að finna á moodle.hi.is, undir Moodle-hjálp og á vef Kennslumiðstöðvar: <https://kennslumidstod.hi.is/panopto/>.

Forritið Turnitin sem styður við fræðileg vinnubrögð í ritun og heimildarvinnu er aðgengilegt bæði sem hluti af Moodle og á vef Turnitin (turnitin.com). Leiðbeiningar um Turnitin forritið má finna á moodle.hi.is undir Moodle-hjálp. Sigurbjörg Jóhannesdóttir hefur yfirumsjón með Turnitin í Háskóla Íslands og hefur unnið ötulllega að aðstoð við kennara, gerð leiðbeininga og samstarfi við aðra notendur á landinu, auk þess að hafa samskipti við fyrirtækið í Hollandi.

8. Samstarf

Kennslumiðstöð er í samstarfi við ýmsar stofnanir, fræðasvið, deildir og einstaklinga innan Háskóla Íslands, svo og við opinberu háskólana og aðra háskóla í landinu. Einnig á miðstöðin í samstarfi við erlenda aðila er tengjast háskólakennslu og upplýsingatækni á háskólastigi.

Samstarf við fræðasvið Háskóla Íslands

Kennslumiðstöð leggur áherslu á að vinna með fræðasviðum og deildum háskólans og lagar fræðslu og ráðgjöf að sérstöðu og óskum þeirra. Miðstöðin vinnur náið með öllum fræðasviðum skólans, bæði í fyrir tilstuðlan einstakra deilda og kennsluþróunarstjóra sem eru nú á þremur fræðasviðum, Félagsvísindasviði, Heilbrigðisvísindasviði og Verkfræði- og náttúruvísindasviði. Náin samvinna er við Menntavísindasvið og hefur einn tæknimaður Kennslumiðstöðvar aðsetur á fræðasviðinu.

Samstarf um kennsluþróun á háskólastigi á Íslandi

Samtök um kennsluþróun í háskólum á Íslandi voru stofnuð 24. nóvember 2015. Samtökin gefa tækifæri til frekara samstarfs innanlands sem utan. Starfsfólk Kennslumiðstöðvar HÍ var þátttakandi í

kennsluráðstefnu Háskólans á Akureyri í maí og hélt þar sjö erindi á þjóðfundarformi. Samtökin funduðu í framhaldinu og ræddu um sjálfsmat háskólanna. Þar var ákveðið að hafa sameiginlega gagnaveitu þar sem kennsluþróunarfólk gæti deilt tólum og tækjum: https://padlet.com/Helena_KHA/BORE2

Reiknistofnun Háskóla Íslands

Samstarf er við Reiknistofnun Háskóla Íslands um þjónustu við kennslukerfi háskólans Uglu og Moodle. Reiknistofnun sér um hýsingu námsumsjónarkerfanna. Reiknistofnun sér að auki um hýsingu á öllum gögnum sem tengjast námi og kennslu, s.s. upptökum úr Panopto sem eru ófáar. Kerfisstjórn á kerfum sem eingöngu eru notuð til kennslu eins og Moodle og Panopto-upptökukerfið er einnig í samstarfi við Reiknistofnun.

Þverfagleg samvinna á Heilbrigðisvísindasviði

Heilbrigðisvísindasvið hefur sett á fót námskeið um þverfræðilega samvinnu á fræðasviðinu þar sem nemendur eru þjálfaðir í teymisvinnu. Kennslumiðstöð var í samvinnu við kennsluþróunarstjóra fræðasviðsins Ástu B. Schram um þjálfun leiðbeinenda fyrir námskeiðið. Leiðbeinendur komu úr hinum ýmsu deildum Heilbrigðisvísindasviðs og æfðu sig á hópvinnumforminu sem ætlunin er að nýta á námskeiðinu í byrjun janúarmánaðar 2018.

edX

Fyrsta námskeið Háskóla Íslands í edX, Medieval Icelandic Sagas, fór af stað 1. mars í ár. Námskeiðið byggir á alþjóðlegu meistaranámi í íslenskum miðaldafræðum. Kennslumiðstöð ásamt Hugvísindasviði HÍ stóð að námskeiðinu. Einnig var unnið að námskeiðinu *Sheep in the Land of Fire and Ice* sem væntanlegt er í febrúar 2019. edX var upphaflega stofnað af Harvardháskóla og MIT árið 2012 og er veita sem býður upp á fjölda MOOC námskeiða (*massive open online course*). Háskóli Íslands varð aðili að edX 17. nóvember 2017. Miðað er við að háskólinn verði með fjögur námskeið í boði hverju sinni hjá edX.



edX námskeið Háskóla Íslands 2018

Starfsmannasvið

Kennslumiðstöð er í samstarfi við Starfsmannasvið Háskóla Íslands vegna innleiðingar mentorakerfis fyrir nýja akademíska starfsmenn, Anna Kristín Halldórsdóttir er tengiliður Kennslumiðstöðvar við Starfsmannasvið. Samstarfið hófst 2014 og er unnið að því jafnt og þétt að festa það í sessi með tengingu við fræðasviðin og starfsmannastjóra þar. Miðstöðin hefur einnig komið að kynningu vegna ótímabundinna ráðninga akademískra starfsmanna við skólann. Kennslumiðstöð og Starfsmannasvið vinna nú að verkefni fyrir nýja kennara sem miðar að því að auðvelda þeim að hefja starf við skólann.

Jafnréttisnefnd Háskóla Íslands

Í ár var unnið að hönnun og prentun Jafnréttisgátlista í kennslu og kom hann út um miðjan október. Kennslumiðstöð HÍ og Jafnréttisnefnd HÍ unnu að verkefninu saman. Gátlistinn er samstarfsverkefni Jafnréttisnefndar HÍ, jafnréttisfulltrúa HÍ og Kennslumiðstöðvar HÍ. Hugmyndin um samþættingu jafnréttissjónarmiða gerir ráð fyrir því að stofnanir flétti sjónarmið jafnréttis inn í daglegt starf. Kennsla og rannsóknir eru meginþættir starfsemi Háskóla Íslands og mikilvægt að jafnréttissjónarmiða gæti þar. Í gátlistanum er sjónum beint að því hvernig best sé að flétta jafnréttissjónarmið inn í kennslu.

Jafnréttisgátlista má nálgast rafrænt á heimasíðu Kennslumiðstöðvar: https://kennslumidstod.hi.is/wp-content/uploads/2018/10/HI_jafnretti_agust2018_lokaprork.pdf



Á myndinni eru Sveinn Guðmundsson jafnréttisfulltrúi HÍ og Elva Björg Einarsdóttir verkefnastjóri hjá Kennslumiðstöð HÍ með fyrstu eintök gátlistans glóðvolg úr prentun. Stoltið leynir sér ekki. Mynd: Sigurbjörg Jóhannesdóttir

Háskólinn í Nuuk á Grænlandi

Í nóvember fékk Kennslumiðstöð heimsókn frá grænlenskri sendinefnd er kannar setningu gæðaviðmiða í háskólakennslu á Grænlandi. Mikilvægt er að eiga samtal við nágranna um gæðaviðmið í kennslu.



Grænlenska sendinefndin ásamt Sigurbjörgu Jóhannesdóttur og Guðrínu Geirsdóttur. Mynd: EBE

Miðstöð framhaldsnáms

Kennslumiðstöð heldur námskeið og vinnustofur fyrir leiðbeinendur í doktorsnámi í samstarfi við Miðstöð framhaldsnáms í Háskóla Íslands. Ásta B. Schram er tengiliður Kennslumiðstöðvar við Miðstöð framhaldsnáms.

Háskólinn í Bergen

Áslaug Helgadóttir gæðastjóri Háskóla Íslands og Guðrún Geirsdóttir deildarstjóri Kennslumiðstöðvar og dósent á MVS heimsóttu háskólann í Bergen í Noregi til að kynna sér vinnumats- og framgangskerfi akademískra starfsmanna þar og heimsækja BioCEED sem er öndvegissetur í kennslu líffræði við Náttúruvísindasvið háskólans í Bergen. Háskólinn í Bergen er einn af háskólunum í Aurora-samstarfsnetinu. Ferðin var styrkt af Erasmus+.

9. Þróunarverkefni

Kennsluþróunarstjórar á fræðasviðum

Árið 2015 kynnti Kennslumiðstöð svokallað Helsinki-model kennsluþróunarstjóra á fræðasviðum á Kennslusviði Háskóla Íslands. Módelið gengur út á að akademískir kennsluþróunarstjórar eru ráðnir við öll fræðasvið til að stuðla að þróun og rannsaka kennsluhætti á viðkomandi sviðum.

Kennsluþróunarstjórar eru jafnframt í samvinnu við miðlæga kennslumiðstöð og aðra kennsluþróunarstjóra skólans. Hugmyndinni var vel tekið af stjórnendum skólans og var sett fram sem eitt af markmiðum stefnu HÍ21. Umræða um fjármögnun og skipulag módelisins er hafin og tekst vonandi að hrinda þessari hugmynd í framkvæmd fljótlega. Kennsluþróunarstjórar eru nú á þremur fræðasviðum af fimm og til stendur að þeir verði á öllum fræðasviðum skólans á næsta ári.

10. Ráðstefnur

ISSOTL

ISSOTL ráðstefnan (International Society for the Scholarship of Teaching and Learning) var í ár haldin í Bergen í Noregi dagana 24.-27. október. Yfirskrift ráðstefnunnar var Toward a Learning Culture. Guðrún Geirsdóttir og Edda R. Waage voru með erindi á ráðstefnunni um vinnuálag í námskeiðum.



Guðrún Geirsdóttir, Edda R. Waage, Abby Snook, Ásta B. Schram og Sigríður Geirsdóttir voru á ISSOTL 2018. Mynd: Guðrún Geirsdóttir

Menntakvika

Menntakvika er ráðstefna Menntavísindasviðs HÍ um menntarannsóknir. Í ár var hún haldin 12. október og var Kennslumiðstöð Háskóla Íslands með fjórar málstofur þar sem kynntar voru rannsóknir sem unnar hafa verið á sviði námskráargerðar og kennslu á háskólastigi.

Hróbjartur Árnason, lektor á MVS HÍ og Elsa Eiríksdóttir, dósent á MVS, HÍ. *Viðhorf nemenda til fyrirkomulags náms við Menntavísindasvið.*

Sólveig Jakobsdóttir, dósent á MVS, HÍ, Karen Rut Gísladóttir, dósent á MVS, HÍ og Þuríður Jóhannsdóttir, dósent á MVS, HÍ. *Hvernig getum við þróað fjarnám við Menntavísindasvið? Raddir fjarnema og skólastjórnenda.*

Þuríður Jóhannsdóttir, dósent á MVS, HÍ og Sigríður Pétursdóttir, deildarstjóri faggreinakennslu á MVS, HÍ. *Þróun gæðaviðmiða og námskeiðsforma sem koma til móts við bæði stað- og fjarnema á Menntavísindasviði HÍ.*

Amalía Björnsdóttir, prófessor á MVS HÍ og Þuríður Jóhannsdóttir, dósent á MVS HÍ. *Fjar- og staðnemar í grunnskólakennaranámi. Bakgrunnur og vinna með námi.*

Kristinn Andersen, prófessor á VON HÍ. *Blönduð kennsla í verkfræði með virkri þátttöku nemenda.*

Sæmundur E. Þorsteinsson, lektor á VON HÍ. *Fjarkennsla í verklegri fjarskiptaverkfræði*

Auðbjörg Björnsdóttir, forstöðumaður Kennslumiðstöðvar HA. *Sögur að norðan: frá óvirkum kennslurýmum til virkra kennslurýma.*

Helena Sigurðardóttir, kennsluráðgjafi við Kennslumiðstöð HA. *Fjarverur, hvað er það? Og til hvers?*

Daði Már Kristófersson, prófessor á FVS HÍ og Margrét Sigrún Sigurðardóttir, lektor á FVS HÍ. *Áhorf nemenda á fyrirlestraupptökur – samanburður á stað- og fjarnemum.*

Anna Ólafsdóttir, dósent HA og Sólveig Zophoníasdóttir, sérfræðingur á Miðstöð skólaþróunar HA. *Maður fór einhvern veginn á flug. Upplifun og reynsla nemenda af þátttöku í náms- og kennsluþróun í eigin háskólanámi.*

Edda R. H. Waage, lektor á VON HÍ og Guðrún Geirsdóttir, dósent á MVS HÍ. *Tíminn hann er trunta: Að rýna og endurskilgreina hugtakið „vinnuálag í námskeiðum“.*

Eva Marín Hlynsdóttir, lektor á FVS HÍ og Silja Bára Ómarsdóttir aðjúntk á FVS HÍ. *Verkfærakista leiðbeinans: Bestu venjur á Félagsvísindasviði.*

Ásta B. Schram, lektor á HVS HÍ og Abigail Grover Snook, doktorsnemi á HVS HÍ. *Teachers' attitudes towards and actual use of five factors that motivate students in the classroom.*

Anna Helga Jónsdóttir, dósent á VON HÍ, Daði Már Kristófersson, prófessor á FVS, HÍ, Magnús Þór Torfason, lektor á FVS HÍ og Margrét Sigrún Sigurðardóttir, lektor á FVS, HÍ. *Hvaða þættir í rannsókn á brotthvarfi nýnema á Félagsvísinda- og Verkfræði- og náttúruvísindasviði HÍ tengjast brotthvarfi nýnema úr háskólanámi?*

Margrét Sigrún Sigurðardóttir, lektor á FVS HÍ, Anna Helga Jónsdóttir, lektor á VON HÍ, Daði Már Kristófersson, prófessor, FVS HÍ og Magnús Þór Torfason, lektor á FVS HÍ. *Krefjast raunvísindi meiri seiglu en félagsvísindi? Rannsókn meðal nýnema á Félagsvísinda- og Verkfræði- og náttúruvísindasviði HÍ.*

Magnús Þór Torfason, lektor á FVS HÍ, Margrét Sigrún Sigurðardóttir, lektor á FVS HÍ, Anna Helga Jónsdóttir, dósent á VON HÍ og Daði Már Kristófersson, prófessor á FVS HÍ. *Gengið saman menntavegin? Fyrri tengsl nýnema í háskólanámi.*

Abigail Grover Snook, doktorsnemi á HVS HÍ og Ásta B. Schram, lektor á HVS HÍ. *Considering the values and needs of sessional and tenured faculty: what does modeling suggest for faculty development needs?*

11. Sjálfsmat Háskóla Íslands, QEF2

Kennslumiðstöð er ætlað hlutverk í sjálfsmatsferlinu innan Háskóla Íslands líkt og áður en nú með breyttri áherslu í takt við áherslur í nýju sjálfsmati á námskrárgerð. Kennslumiðstöð býður deildum og námsbrautum skólans leiðsögn við námskrárgerð þ.e. yfirferð lokaviðmiða námsleiða og hæfniviðmiða námsleiða, auk vinnustofa í námskrárvinnu um gerð hæfniviðmiða námsleiða, lokaviðmið námsleiða og hrislötfluggerð sé þess óskað. Þessi vinna getur farið fram á meðan á sjálfsmatsferlinu stendur eða eftir það sé þess þörf.

Við Háskóla Íslands eru það Íslensku- og menningardeild og Mála- og menningardeild sem reið á vaðið í sjálfsmatshring 2. Fast á hæla þeirra komu Viðskiptafræðideild, Félagsfræði-, mannfræði- og þjóðfræðideild, Félagsráðgjafardeild, Guðfræði- og trúarbragðafræðideild og Sagnfræði og heimspekideild sem allar unnu mesta sjálfsmatsvinnuna á árinu.

12. Nefndir og ráð

Starfsfólk Kennslumiðstöðvar Háskóla Íslands situr í ýmsum ráðum og nefndum á vegum skólans, opinberu háskólanna, menntamálayfirvalda og erlendu samstarfi um kennsluþróun. Árið 2018 áttu fulltrúar Kennslumiðstöðvar sæti í eftirfarandi nefndum:

- Fjarnámsnefnd Menntavísindasviðs, Guðrún Geirsdóttir
Fagráð Háskólabrúar Keilis, Guðrún Geirsdóttir
- Háskólaráð Háskóla Íslands, Guðrún Geirsdóttir
- Jafnréttisnefnd Háskóla Íslands, Rúnar Sigurðsson
- Jafnréttisnefnd miðlægrar stjórnslu, Elva Björg Einarsdóttir
Kennlumálanefnd háskólaráðs, Guðrún Geirsdóttir
- Sérfræðingur faghóps um námsumsjónakerfi, Kristbjörg Olsen
- Stýrihópur edX, Guðrún Geirsdóttir og Rúnar Sigurðsson